

風

角

書

風角序

角隅也。候四方四隅之風以占吉凶。

昔人論風角書共若干卷。余刪其重複爲八卷。錄而

或以天地噫氣不涉人事。余思董子之言矣。天地

實人嘗漸是。澹澹之中。而以治亂之氣相殺。饑也。則風也者。饑之至神者也有。自天者焉。自天者被乎人。有自人者焉。自人者見乎天。今夫風之爲水。爲旱。爲疫。爲豐年。爲和平。千里同風。風所不及。則否。寒風晨冽。百室之邑。噓者比屋。閉闕自溫者。否。豈非自天者被乎人乎。若乃噓溫吸寒。異於咫尺。一夫疾風。及尋丈。數寸之筵。踰尺之韞。驅暑然火。不借天工。大軍所

風角序

氛埃四溢。則賢人禮讓。風且穆穆爾。介冑格鬥。風且蓬蓬爾。皆不足異所感。則然也。人事之見乎天。猶之天之被乎人而已。則謂不涉人事者非也。謂人之精氣不足。感天使風至者亦非也。司馬太史云。冬至日。產氣始萌。臘明日。人眾卒歲。一會飲食。發陽氣。產氣始萌者。天矣。且會飲食發陽氣者。非人乎。王充求勝一切而不知其絕人於天之甚者也。今夫人內滿者。呵逆風者。噎襲寒者。噎咳力倦者。欠伸。謂人不足以感天。猶謂呵噎噎咳。欠伸之盡出乎人也。說詩者不云乎。風者。風也。上以風化。下以風刺。上風係於天。人之際亦若此。於是書神而明之。以審量。

天地懸悟人事。卽微忽察識何難焉。諸如雨露之濡。霜雪之凝。雷霆之奮擊。日月之暈抱。星宿之躔次。雲氛氣象之輝映。德刑參錯。降流蒸發。王者以謹防豫。治性情候。民物未嘗或遺。亦曰。自天者。吾以調之。自人者。吾以脩之。爾何獨疑於風占也。然則子之遺彼也。何居貴其色者。難其辨也。貴其度者。鮮其學也。貴其謹伺者。憚其勤也。三者之患於風角。知免矣。吾姑先其易者。若夫王充之獨歸之天。以天占人。揚子雲所謂不善占天者也。崇禎十二年己卯秋八月濟陽張爾岐撰。

風角書第一卷

濟陽張爾岐高菴著

開州李若琳洪質甫校訂
安康張鵬粉補山氏重刊

風角占總例

風候

大風之候。若眾鳥噪空翻飛、羣魚出水跳躍、星搖動、日月昏暈、雲片片相逐、慘白慘黃、聚散不常、雲繞口、雲腳黃、雲行急、日光搖太白、晨見參宿動、燈火燄作聲、皆是。又有風起之日、更當詳之。

候風法

凡候風必於暢達高平之地、立五丈竿、以雞羽八兩爲葆、懸竿

上候風吹羽葆平直則占。亦可於竿首作木盤。內畫八卦。十干十二支。置三足木鳥於盤上。兩足連上而外立。一足安下而圓。轉風來則鳥轉首向之。鳥口銜花。花旋則占。羽用雞。取其屬巽而能知。按知下疑。脫時字。羽八兩以象八風。竿五丈以象五音。鳥者日精巢處。知風鳥爲之首。古書云。用三丈五尺竿。羽五兩。擊其端。然則長短輕重。惟取適宜。不必過泥。但須出眾中。不被隱蔽。有風則動。直而不激。爲善羽。必須八兩以下。五兩以上。重則難舉。輕則易平也。常占用鳥。軍行權用羽。作葆之法。取雞羽中破之。取其多毛處。以細繩繫縛。內中夾木長三四尺許。屬竿上。其

鹿扶搖四轉五復之風各以形狀占之。

風名狀

爾雅曰風而雨土曰霾。陰而風曰曠。日出而風曰暴。迴風爲飄。焚輪謂之飜。扶搖謂之焱。

李淳風曰占風之家多云發屋折木揚沙走石等語。若每占中俱著此語。其文至繁。今輒以一家例之。

古曰發屋折木揚沙走石。今謂之怒風。多爲不吉。一日之內三移轉方。古云四轉五復。今謂之亂風者。狂亂不定之貌。無雲晴爽。忽起大風。不經刻而止。絕復忽起。古云暴風卒。

起乍有乍無。今謂之暴風。主有卒暴事。鳴條擺樹。蕭蕭有聲。今謂之飄風。善惡依經旨。迅風觸摩。蓬勃。今謂之勃風。迴旋羊角。古云扶搖羊角。今謂之回風。回風者。旋風也。有自上而下者。有自下而上者。或平條長直。或摩地而起。總謂之回風。亦有專占。古云清涼溫和。塵埃不起。今謂之和風。古云暗冥昏濁。寒尅者。今總謂之霾暄風。

凡風和暢清悅。溫涼適時。塵埃不起。人情恬澹。是謂祥風。天色晦暝。雲氣昏濁。風聲寒慘。埃壙蓬勃。是謂災風。風勢紛錯交亂。乍起乍止。深藏難測。其聲聒耳。是謂小人魅惑。我魅惑疑

是鬼域或風

風勢暴起。南北不定。離合氛埃。是謂上下不

寧風

風勢冥冥。白日陰慘。黃霧四合。是謂政化未明風

風勢憾憾。南北離亂。高下蓬勃。是謂大兵將至風。風勢凜

冽。人懷戰慄。是謂刑罰慘刻風。風聲啾唧。慘切令人悲惜。

是謂大喪風。風聲欻欻如火。奔馳乍起乍息。爲旱火風。

連風冥晦。四日五日。人皆悲傷。爲大水殺人風。

凡吉祥之風。日色清明。風勢和緩。從歲月日時德上來。或乘王

相而來。去地稍高。不揚塵沙。人心喜悅。是謂祥風。兇災之風。

日色白濁。天氣昏寒。風聲叫怒。飛沙捲塵。乘刑殺而至。當詳

八風五音六情占之。諸稱寒尅昏濁。今謂之災風。諸稱清

明溫和。今謂之和風。以上淳風先生舊占

疾風勃起。拔木發屋。曰眊風。君德昏蔽。兵火興災。暴風怒

號。雲氣昏暈。曰惡風。國政昏亂。急兵猝起。風鼓塵翳。連月

不止。曰邪風。國有大憂。有兵火災。急風陰晦。連日不散。曰

寵風。女謁扇禍。人怨兵起。

旋風損物。欵舉上冲。曰逆風。在朝防失土宇。在營防敵兵冲

襲。旋風攬土去而又來。曰冤風。下有冤枉。伏尸告變。風

聲哀鳴。悲切連日。曰哭風。火災傷人。兵受其敗。迅風作陣。

緩急不均。曰敗風。敵兵大敗。我受奇功。風吹雨血。地水赤流。曰叛風。奸邪逆謀。兵起人災。風熱生蟲。食苗嚼衣。曰殘風。淫昏亂政。兵起大饑。風疾吹而木不動。五穀茂而不實。曰流風。臣專予奪。民受其殃。風氣結聚。昏黑籠蔽。曰黑風。君失其政。夷狄侵擾。風氣結陣。紅赤橫吹。曰紅風。賢士災。憂奸邪兵起。風氣急吹。中有火光。曰神風。寇賊兵起。殺害忠良。風氣急吹。行人無迹。曰鬼風。兵有異謀。將憂凶敗。暴風急吹。尖削刺人。曰賊風。賊兵聚勢。暗行冲襲。風寒逼人。如水澆潑。曰水風。政濫兵起。上下同災。惡風逆吹。發屋

損物曰不順風。臣易上政。民流兵起。木不動搖。旱風傷禾。日不擇風。私利蔽公。民災國亂。旋風入營。吹倒兵仗。日昭報風。急防敵冲。襲火攻。暴風卒起。昏塵蔽天。日冥報風。急防兵冲。突雲霧隨風。亂掩入營。日引兵風。宜簡驍勇。備其入虞。暴風入營。捲軍帳。日惡信風。兵士謀叛。急宜犒賞。風温熱曰禍風。賦歛無度。兵怨盜興。風温不常。蝗蟲暴生。曰惑風。君淫政慢。國有變亂。

以上武備志所載多牽合複雜之談。務求其備。不及擇也。

占驗大法

凡候風須明知八卦。審定干支。或上。或下。或高。或卑。俱無乖越。然後可驗。若失之毫釐。差之千里。不可不慎。今先定六十四卦。按六十四卦。疑當作八卦。十干。十二支。辰位。總二十四方。遞相衝破。卽知風發所止。然後占之。

凡風從戌來。須抵辰。自辛止。必直乙。二十四方先定其衝。則來處明白。辰卦旣明。自無失誤。

黃帝占曰。凡風動。皆不安之象。若在山川海濱。按海濱當作海濱。空穴之間。風所出處。不可占。若在宮宅城營之內。戰陣之所。風聲異常。揚沙走石。日光昏濁。則必占之。

人君理順四時。則春無淒風。夏無苦雨。先王之治。以天下爲家。兆民爲子。風起異常。用意察之。若紛錯交橫。乍起乍止。儒墨深藏。知者緘默。

凡風暴疾。南北無定。交錯離合。氛埃相汙。此風之應。必在人主。李淳風曰。風占災異。最驗。須於四達無隱之地。占之。方不爽。

凡鳴條以上風。皆詳其五音。與歲月日時。刑德合冲。篡殺。五音生。勉。王相休囚。以言吉凶。仍以六情推之。萬不失一。

凡惡風後。當日有大雨。三日內有大雨。卽解。曰宮風。當日夜雨。

徵風三日雨

羽風五日雨

商風七日雨

角風九日

雨。但依日數得雨卽解。其應四時災氣兼雷雨而發者。雨後復風者並依例占。

凡風從太歲上來。吉凶占君。月建爲大臣。日爲令長。時爲民。又曰宮日占君。餘日占臣民。

凡風起刑而鄰於德。不可分別者。以風言之。鳴條索索。去地尺餘。不動塵埃。日光不變者。爲吉。當從吉占。吹塵漲天。日色昏濁。蓬蓬勃勃。乍緊乍慢者。爲凶。當從凶占。凡占歲美惡。兵起止。又以日辰占國。

風來遠近占

凡風起。初遲後疾者、其來遠。初急後緩者、其來近。動葉十里、鳴條百里、搖枝二百里、落葉三百里、折小枝四百里、折大枝五百里、飛沙走石千里、拔大木根五千里。

凡大風非常滿三日三夜者、天下盡風也。二日三夜者、半天下。一日一夜者、千里風也。武備志小異

凡風二日三夜、事及三千里外。一日一夜、事及二千里。六時以上、事及千里。三時以上、事及五百里。一時以上、事及百里。

凡大風拔木、事及三千里外。折大枝、事及二千里。若風近起城郭、卽城郭中有急事、卒起宮宅、爲左右有變事。

凡風自百里以上來者其風時緩時急。條長索索然。若蓬勃乍起乍止。卒緩卒急。勢無常準者。並是二百里內。非遠來爲災。凡風發一日爲其縣。二日他縣。三日其郡。五日其州。六日他州。各以日數知災所及。一云。一日一夜爲邑。二日三日爲州。四日五日爲國。六日七日以上爲天下。

京房占風角。又推五音風所發。以五音之數。期風之遠近。宮風近十里。中百里。遠千里。徵風近七里。中七十里。遠七百里。羽風近六里。中六十里。遠六百里。商風近九里。中九十里。遠九百里。角風近八里。中八十里。遠八百里。以五行成數推之。變

通其數。離難而長風所從來二十四處。皆明知發止時。方于支卦音。一一明晰。方可以言。

觀風知賊數

凡占知有賊。以風所從來之方爲月期。所乘辰爲道里。以止時。干支爲人數。乘王氣十倍。相氣五倍。休廢如數。囚死減半。假令風從坎來。起夜半。止日中。坎居子位。建子爲十一月。子數。卜其賊當以十一月來。在九百里。或九十里內。起子止午。子午九數。賊數少則九人。九十人。多或九百九千。干支之數。甲己子午九。乙庚丑未八。丙辛寅申七。丁壬卯酉六。戊癸

辰戌五 己亥是四數

附餘

暴風起聲若破鼓。有兵必敗。天氣常風。君不思善。怨生亂作。

大風暴起。令急刑濫。大風拔木。火災兵起。

風起。日下有雲。烏潤吉。蒼白爲水。爲兵。赤黃爲旱。

月下有雲。烏潤凶。赤白爲旱。爲水。爲兵。喪。

凡風聲如怒雷觸地而起者。其地大兵起。

風雨後大雷。皆爲天子有急令。

凡晝昏有風聲而無風。凶。殃外至。臣共期君。不出干日。期疑作欺

凡天子占千步。諸侯去宅五百步。庶人去家百步。
凡風鼓塵。連日不散如霧。其色赤黑黃燥。有火災。
凡大風發屋折木。天色赤者。兵大起。行千里。又曰蝗蟲大起。
凡風入骨寒慘。爲雨。

風角書卷之二

濟陽張爾岐蒿菴著

開州李若琳淇貫甫校訂
安康張鵬粉補山氏重刊

五音占法

凡例

凡五方之風以納音爲論。若風發屋折木揚沙走石三日以上乃占。不然雖凶亦無大害。兩軍相遇以其日納音爲客。時與來方爲主。時方制納音利爲主。後舉音制時方宜爲客。先舉若相生爲和睦。尋家常居亦以此分內外。五音有納音。五音有十二辰。五音有風聲。五音有方位。

五音所主

宮爲君 商爲臣

角爲民

一日爲事

徵爲事

一日爲令

羽爲物

宮數一爲君爲身

徵數三爲宗廟先人爲鬼怪

羽數五爲境界爲妻爲財

商數七爲子爲臣爲僕

角數九爲病爲死爲喪

李先生云。洪範五行。自北徂南。先經後緯。順也。今五音則先緯後經。自南徂北。逆也。情動者逆行。性定者順入也。

支辰五音所主

子爲陽官。土。主帝王。丑爲陽徵火。主旱。宮寺火災。口舌。
寅爲陽徵火。主旱。火災。烽燧。卯爲陽羽水。主雨霖水霧。
辰爲陽商金。主大將軍吏士。巳爲陽角木。主疾病憂患。
午爲陰宮土。主后妃。未爲陰徵火。主詔誥書檄。庶人士工。
蜚蟲旱。申爲陰徵火。主郵驛尉候旱蝗疫。酉爲陰羽水。
主霜雪雷電沈陰冰雹。戌爲陰商金。主小將兵刃。亥爲
陰角木。主死喪哭泣。

李先生曰。自子至巳。皆爲陽律所生。故爲陽。自午至亥。皆爲陰

律所生故爲陰

納音五音

甲子壬申庚辰甲午壬寅庚戌爲陽商
乙丑癸酉辛巳乙未癸卯辛亥爲陰商
丙寅戊子甲辰甲戌丙申戊午爲陽徵
丁卯己丑乙巳乙亥丁酉己未爲陰徵
戊辰庚寅壬午壬子戊戌庚申爲陽角
己巳辛卯癸未癸丑乙亥辛酉爲陰角
庚午丙戌戊申戊寅庚子丙辰爲陽宮

辛未丁亥巳酉巳卯辛丑丁巳爲陰宮
甲申壬辰丙午甲寅丙子壬戌爲陽羽
乙酉癸巳丁未乙卯丁丑癸亥爲陰羽
凡言宮徵商羽角皆依此。

定納音附法

庚屬辰 辛屬巽 戊屬坎 己屬離 丙屬艮 丁屬兌
子午屬庚 丑未屬辛 寅申屬戊 卯酉屬己 辰戌
屬丙 巳亥屬丁

假如求甲子所屬則子屬庚。便從甲數至庚得七數。七商數。

也則甲子納音爲商金矣餘皆倣此

乾主甲子壬午震爲長男故主子午與父同甲對於庚故主
庚坎主乙未癸丑巽爲長女故主丑未與母同乙對於辛
故主辛坎爲中男故主戊申中陽於寅申中陽辰離爲中
女故主己酉中陰於卯酉中陰辰艮爲少男乾主壬對丙故
主丙辰戌是末陽辰爲第五配兌爲少女坤主癸對丁故
主丁巳亥是末陰辰爲第六配

李先生曰○今月初生於庚上見震象○八日丁上見兌象○十五日
甲見乾象○十六日平旦辛上見巽象○二十三日旦丙上見艮

爲重商有兵殃。

風從己亥角來。爲宮動角。有兵戰。人主憂。客兵傷。有喪。從陽角來。邊兵戰。有大喪。宮爲土。角爲木。木動土。不勝。故君凶。角主哭泣。故爲喪。時加己亥爲重角。君不昌。故爲大喪。

徵日風從陽宮來。土工起。大旱。火災。頻起。宮寺。從陰宮來。太子有疾。時加徵爲重徵。有土工。火災起。

風從丑寅陽徵來。有火災。君有恐。走獸爲人害。宮寺多焚。從王相來。歲大旱。又多火災。從未申陰徵來。人君憂。走獸爲害。火災。一曰。六畜多死。時加丑寅未申爲重徵。國四門閉。有大

事

風從陽羽來。四鄰有事實。物出陰勝於陽。且有雷霆霜雹。多火災。四夷兵起。從陰羽來亦然。

風從陽商來。有急兵。人主出。以兵自守。期七日。若七十日。從陰商來。邊有急兵戰。一曰風從陽商來。輔臣強。大臣死。民有殃。以日占國。

風從陽角來。有邊兵。從陰角來。邊有警。火金尅木。木子火。又尅金。故有兵。亦爲有喪。

付日風從陽宮來。人持財物聚。君有更令。邊兵起。土工興。將受

命有集會。有寒雪雹。從陰宮來。暴寒傷物。有水。有土。工。兵。集。風從陽。徵來。國有兵。有急令。臣有憂。關梁塞。道路不通。從陰。徵來。邊兵。疫。一曰。邊兵憂。

風從羽來。有白衣聚。有大喪。大寒。雷雹。期五日。若五十日。且。有大雨。雨從南方來。國有憂。人多病。雨從北方來。賊聚水中。且有雷雹。陽雨日。應陰雨夜。應。

風從商來。有兵圍城。不戰。邊有急。關梁不通。大雨。客軍不利。金水相和。和故不戰。羽爲角除害。相臣爲君討賊。故動必大雨。不出戰也。

風從角來。邊有兵來圍城。城破。一曰。兵不解。時加巳亥。爲重角。有圍城。有大喪。

商曰。風從陽宮來。戒太子忌怨大臣。有急兵。官土商金。毋憂其子。故爲太子。亦爲人主。有疾。從陰宮來。一說從北方來。庶子有憂。有急變。兵起北方。

風從徵來。國邑受令。兵行將在外。兵還不戰。臣受命令而行。徵爲號令。商爲兵。商受徵。尅故兵退。一曰。有小旱。時加徵爲重徵。有火。有旱。

風從羽來。大雨水。歲大荒。國憂亂。有兵起東方。羽水從金主。

故有大兵大水之事

風從陽商來。有白衣聚眾自立。且有大水。關梁不通。大將出。忌外兵。邑有小寇。人君憂國。門四閉。兵在西方。從陰商來。國有大殃。粟貴。邑有兵起。風怒。期七日。若七十日。有急令。兵大起。商爲金。二金並行。故爲有大兵。一曰。風從商來。大臣死。風從陽角來。有猝兵。有急令。從陰角來。有喪。土工作時。加商角米。貴人瘦。

角曰。風從陽宮來。兵從中起。君有憂。國門四閉。從陰宮來。有大喪。貴人多疾病。有土工。官爲君。角主死。喪故有大喪。

風從微上來。大臣災。亦防火蟲生。粟貴。一曰吏檢人財。有兵
喪倉粟。寶物出。又曰時加角徵。或從他處起。止於角徵。皆爲
火災。風從羽上來。有大雨。土工興。邊有兵。卿大夫多口舌疾
病。亦爲夷人相奪。

風從商來。有急兵。一曰臣不忠。

風從陽角來。邊兵起。人主憂。有賊至。戰不勝。多死亡。從陰角
來。有兵有喪。一曰遠喪至。時加角。有喪。有邊兵戰。盜賊起。粟
貴。民饑。野多死人。角主死。喪重。角尤甚。又曰角曰風疾。天子
昏。大兵起。

五音相動風占二以音與方參驗之

宮風急惡。土工大興。自宮方來。山摧坼崩。自徵方來。虎狼
爲害。自羽方來。大雨陰寒。自商方來。大水。自角方來。
蝗蟲敗穀。

徵風發屋。有急事來。自徵方來。火災。自宮方來。旱災。土工
興。自羽方來。寶物出國。自商方來。急兵鬥。自角方來。
火災。人哭泣。

羽風怒。則粟貴兵發。自羽方來。霜雹大雨。自宮方來。暴寒
傷物。自徵方來。臣民有憂。自商方來。兵鬥將憂。自角

方來城圍不解。

商風自商方起。有門兵。自宮方來。后憂。自徵方來。君行急。

令兵凶。自羽方來。夷塞關梁。自角方來。國有兵。

角風拔木。則賊來戰。自角方來。急兵入郭。自宮方來。土工。

作。自徵方來。火災。自羽方來。人災野荒。自商方來。君。

令急暴兵起。

五音之白風占專詳納音舊作五岳者非是。

東方寅卯之角。國有大寇。人多疾病。

庚寅辛卯是。

寅卯之徵。有妖言惑眾。鬼神作祟。又火災。兩寅丁卯是。

寅卯之商大兵攻伐賊出燕趙壬寅癸卯是

寅卯之羽。暴霜。火災。蝗蟲起。甲寅乙卯是

寅卯之宮。帝不安其都有遊幸。出喜令以財物賜庶人。戊寅己卯是

南方巳午之徵。夷狄侵害。違人邪謀。乙巳戊午是

巳午之羽。有江海賊。或水中之船害人。癸巳丙午是

巳午之商。大臣用事。人民作亂。辛巳甲午是

巳午之角。牛羊疫。魚死水中。小民移動。巳巳壬午是

巳午之宮。天子欲警暴亂。賞有功。逐佞人。封有德。丁巳庚午是

西方申酉之商。軍民內移。乘舟渡溺。壬申癸酉是

申酉之角。貴人災。使者至。奸兵起。一曰人民災。庚申辛酉是

申酉之宮。臣爭賄。不恤國。戊甲己酉是

申酉之徵。內臣謀逆。丙申丁酉是

申酉之羽。霜雹非時。秋水災。兵動。水賊起。民疾病。五穀不成。

甲申乙酉是

北方亥子之羽。蝗蟲卒起。霧傷萬物。癸亥丙子是

亥子之商。外兵爲患。水中賊起。辛亥甲子是

亥子之角。三公憂喪。人疾疫。己亥壬子是

亥子之宮。土工與兵起。丁亥庚子是

亥子之徵。皇后憂。太子有暴喪。

乙亥戌子是

四季辰戌丑未之宮。有土工人流移。牛羊疫。

丙辰丙戌辛丑辛未是

辰戌丑未之徵。山賊流言。民怖欲逃。

甲辰甲戌己丑己未是

辰戌丑未之羽。妖言流播。眾庶移徙。

壬辰壬戌丁丑丁未是

辰戌丑未之商。五穀不熟。民多災死。

庚辰庚戌乙丑乙未是

辰戌丑未之角。夷兵起。人作難。寶物出。

戊辰戊戌癸丑癸未是

以上所言。止論風勢。掀大。卽據日辰納音爲斷。

五音風聲占一

大風歛薄。如吹火。其聲中宮。宮屬土。聲怒。土木工興。如吹火。主兵。

風聲清徹如裂帛。其聲中商。商屬金。聲怒。征伐兵起。聲平。歲疫。
大風鳴暗。高下不齊。其聲中角。角屬木。聲怒。兵戈起。急而寒。大兵。
風烘烘然如炎火。其聲中徵。徵屬火。聲怒。兵火災。
風激揚如湍流。其聲中羽。羽屬水。聲怒。奸邪暗起。有水災。

五音風聲占二

宮風發屋折木。有土工。人君內煩。不出十日。遠百日。欲有所之。
且有急令。貴臣相捕斬。天下兵起。盜賊滿市。人飢。車馳馬奔。
流亡不止。

徵風發屋折木。有火災。不出三日。若三十日。四方告急。百姓驚。

恐口亂。或有大吏妖言爲患。

羽風發屋折木。不出五日。若五十日。粟大貴。人以水爲憂。有大喪。后妃黜。珍寶出。

商風發屋折木。不出七日。若七十日。有急令。兵大起。粟大貴。國四門閉。闕梁塞。一日。兵從中起。

角風發屋折木。不出九日。若九十日。有急。賊門戰。粟大貴。民飢相食。有大喪。疾疫。

以上二則。皆係風聲占。與日辰五音不同。亦須以日辰來方相參課之。乃準。

凡大風起止日時方位。微多爲火。羽多爲水。商多爲兵。爲粟貴。角多爲疾疫。宮多爲吉。須鳴條以上乃占。

宮日。風從徵羽上來。皆爲民不安。從角徵來。火起。從角來。疾疫。從宮利商來。粟貴。從羽來。水湧。商來。又爲火。又曰。諸宮日。風頻起。白日沉冥。霧氣四塞。或熱或寒。邊境不寧。大臣逆命。又曰。宮日。大風從乾上來。有暴雨湧水。若風不揚塵。氣色和暢。日光明盛。不寒慘者。國有喜令。艮來。山陵崩壞。人君出行。水湧地裂。又曰。爲凶喪。艮爲鬼門。死亡之兆。巽來。蝗蟲生。害五穀。以風止之方。決其所在。

徵日時加徵。怒風蓬勃。從商上來。天色黃黑。疾作。火燒倉廩。止于商徵者。事疾。時加羽。勃風。從徵角上來。天色昏冥。為火燒市肆。勃風。從羽上來。先寒後熱。火殺人。

羽日時加宮。

一作時加羽

風起羽。有疾疫。以風止處。為災發。

一作之災止

期如止寅。則正月類是也。風從商角上來。時加徵者。月內米貴不安。又曰。羽日風疾。天子昏。大人疾疫。多盜賊。

商日風從角上來。時加商角。米貴。人疫。風起徵。商角。穀貴。且有火災。一曰。人疫。

角日風從徵上起。火災。亦為粟貴。或加時角徵。或從他處起。而

止于商徵。皆爲有火災。又曰。角日風疾。天子昏。大兵起。以上須蓬勃叫怒。吹沙走石。日光昏慘。乃占。

日納音風發止占

宮日風鳴條以上發止於宮者。皆爲人君出。從德鄉上來。以德事出。從刑鄉來。以刑事出。溫和清明。以喜事出。寒慘昏濁。以憂事出。宮風卒起宮宅。皆土工興作。若潰亂。則爲聚眾。

徵日風鳴條以上發止於徵。及卒起宮宅之中。皆爲失火。口舌爭鬥。追召之憂。若從徵來。時加徵。又止于宮者。宮寺失火。

羽日風鳴條以上發止于羽。及卒起宮宅之中。皆爲聚眾。苦

物出入船渡水水物爲變之事。若從羽來。時加羽又止于羽者。皆爲大雨水。亦爲酒食宴會。

商曰風鳴條以上。發止於商。及卒起宮宅中。皆爲宮宅中有鬥兵傷。若日納音尅時。則客來傷主。若時尅納音。則主人傷客。若從商來。時加商又止于商。卽宮宅中必有自傷者。一曰陽商之曰。兵起于外。陰商之曰。兵起于內。

角曰風鳴條以上。發止于角。及卒起宮宅中。皆爲疾病。若時加角而從角來。又向角去。或止于角。皆爲外喪。期九日。若九十日時加王爲君長。相爲臣子。及妻。囚休死爲下賤。以風起止

之方決其人及所在。角雜羽爲水死。雜徵爲火死。雜商兵死。雜宮囚死。純角病死。

五音雜占

凡五音。惟宮日占在君。以下皆爲大臣。令長庶官及民。仍以日辰言國。

宮日。亂風。唼唧有聲。令人悲慘。鳴條落葉。冷氣逼人。有大喪。大臣殃。

宮日。風肅肅。習習。鳴條以上。不至揚沙折木。風氣清涼。止于德合。日光明潔。是謂王風。宮日。風起于坤。鳴條以上。不揚沙土。

天日清明是謂相風。皆爲天子有德。臣忠于孝。五穀豐熟。四夷効順。百姓康寧。

以上二則單言宮日

凡五音之風。從本墓上來。或時加墓。或止于墓。皆主大臣有喪。疾。或融。或爲火起。若蓬勃有聲。吹沙走石。大凶。有雨。卽解。歲墓上來。人君不安。歲刑上來。后不安。月建墓上來。宰相大臣有病。至死。日墓上來。以日占其方。長吏死。民不安。米貴。在刑月及本月內。時墓上來。受風之處。小兒多死。月建刑墓上來。受風之處。米貴。人災。若帶煞角。徵日時。及方。又加火災。此占

須遲怒晦冥之風。若清明溫和。雖大不作。此斷。

庚子陽宮之日。半夜風從已酉上來。止午。風調不怒不勃。天子有喜。若立后。期九日。或二十七日。

丙戌陽宮之日。風從未上來。止于戌。民憂病。以日占國。此是刑例餘同。

諸徵日。風從艮上來。天氣清涼。日色和煖。赤黃雲滿天。天下和平。歲豐君安。

徵日。風炎熱氣逼人。或起止于徵。或帶刑殺五墓。皆有火災。不出三日。

吉日。風從坤上起。鳴條以上。天日清明。黃雲滿天。民安歲豐。民

令大行。

角日疾風。天下昏。兵大起。風從亥上大起。止未爲入墓。大臣將相死。近九日。遠二十七日。以日占地。此五音墓例。餘倣此。四季受角之日。風從未上來。三日至九日。人疾病。若從己亥上來。止于未者。人死喪。

以上皆以刑墓爲占

五音主客勝負例

以日之納音爲客。風所從來之方爲主人。假令甲子日。納音屬金。風來未申丑寅。徵方上來。爲商動徵。徵火尅商金。主人勝。

客若從己亥角上來。爲商動角。角木受制於金。客勝。餘倣此。
又曰。納音爲客。時爲主人。假令甲子日。納音商金。時加丑未寅
申。徵火爲主人。勝風。又從徵方來。卽是兩火攻一金。主人大
勝。若時加角。則爲客勝。他倣此。

又風從日刑來。客勝。時刑上來。主人勝。此謂時與日相刑也。案
凡言主客之法。軍從遠來者爲客。居其地者爲主。又先起者爲
客。後動者爲主。兩軍相持。先動爲客。後動者爲主。兩人相捕。
亦然。平居主客易辨。皆以有氣勝無氣。敗爲占。

諸商日時加宮。風從角來。軍中欲反。勿信左右。

諸羽日風從宮羽來。乍高乍下。乍南乍北。四面分散。去復返者。敵詐降欲通。期七日九日。

諸商羽日

一云皆角日

皆有大風折木。從甲子亥卯上來。日中夜半。

風益急者。期三七日。大賊至。

諸徵日風猝起。午上止于亥。軍中左右必有謀反者。

六甲窮日占同。未詳。

五音次序

李淳風曰。五音所主。以宮爲體象。五行之內。土爲最尊。土卽是

地。地。與。天。敵。體。故。官。子。五。音。爲。君。土。者。火。之。子。也。君。國。者。必
立。宗。廟。行。號。令。徵。又。爲。號。令。故。次。之。土。以。水。爲。妻。故。羽。又。次
之。有。妻。必。有。子。故。商。又。次。之。物。窮。則。變。歸。而。爲。鬼。刑。土。者。木
也。故。以。角。終。焉。

風角書卷之三

濟陽張爾岐蒿菴著

開州李若琳洪負甫校訂
安陸張應麟補山氏重刊

六情占法

六情干屬

- 一曰本情甲乙主之。
二曰合情丙丁主之。
三曰刑情戊己主之。
四曰衝情庚辛主之。
五曰鉤情壬癸主之。

用本日支辰

用本日支辰所合

用本日支辰所刑

用本日支辰所衝

陽日用本日支後三辰
陰日用本日支前三辰

六情支屬釋義

北方之情好水也。好行貪狼。甲子主之。水生于申。盛于子。浸淫漸漬。觸物而潤。故其情好好而無厭。故云貪狼主貪財嗜利。強奪橫取。欺詐。給詐。騙攻劫盜賊之事。

東方之情怒木也。怒行陰賊。亥卯主之。木生于亥。盛于卯。其性屈曲。受水而生。貫土而出。閉匿奮茁。故其情怒。怒而還賊所養。故爲陰賊。主陰謀陷害。屈曲邪佞。叛逆。賊鬥。暴戾。殺傷之事。

南方之情惡火也。惡行廉貞。寅午主之。火生于寅。盛于午。其情剛烈。無所容納。故其情惡。守正疾邪。不受污穢。故云廉貞主

賓主禮儀。嫁娶燕享。國儀忠信。舉賢選良。遷官慶賞之事。
西方之情喜金也。喜行寬大。巳酉主之。金生于巳。盛于酉。其性
剛利。利刃加物。無不寬大。居兌之位。兌悅也。故其情喜。喜則
容物。故云寬大。主福祿賞賜酒食。施予貴人君子。聚集慶賀。
恩澤賞賚之事。

上方之情樂。樂行奸邪。辰未主之。北與東也。陽氣所萌。故云上
方。辰窮水也。未窮木也。木利在亥。水利在申。利而無阻。故樂
水性。智窮則奸。木性上出。窮則旁行。故云奸邪。主欺給不信。
淫佚邪惡。蔽善黨惡。奸私疾病之事。

下方之情哀。哀行公正。丑戌主之。南與西也。陰氣所萌。故云下方。方。戎窮火也。丑窮金也。窮無所歸。故哀。無私不撓之體。至窮不變。故云公正。主復仇。諫諍憂恐。誅暴訟辨之事。

六情目

本情甲子陽商貪狼

乙丑陰商公正

甲申陽羽貪狼

乙酉陰羽寬大

甲辰陽徵奸邪

乙巳陰徵寬大

甲戌陽徵公正

乙亥陰徵陰賊

甲午陽商廉貞

乙未陰商奸邪

甲寅陽羽廉貞

乙卯陰羽陰賊

合情丙寅陽徵陰賊

丁卯陰徵公正

丙子陽羽公正

丁丑陰羽貪狼 丙戌陽宮陰賊 丁亥陰宮廉貞

丙申陽徵寬大 丁酉陰徵奸邪 丙午陽羽奸邪

丁未陰羽廉貞 丙辰陽宮寬大 丁巳陰宮貪狼

刑情戊辰陽角奸邪 己巳陰角貪狼 戊寅陽宮寬大

己卯陰宮貪狼 戊子陽徵陰賊 己丑陰徵公正

庚辰陽角奸邪 己亥陰角陰賊 戊申陽宮廉貞

己酉陰宮寬大 戊午陽徵廉貞 己未陰徵公正

衍情癸午陽宮貪狼 辛未陰宮公正 庚辰陽商公正

辛巳陰商陰賊 庚寅陽角貪狼 辛卯陰角寬大

庚子陽宮廉貞

辛丑陰宮奸邪

庚戌陽商奸邪

辛亥陰商寬大

庚申陽角廉貞

辛酉陰角陰賊

鈞情壬申陽商寬大

癸酉陰商貪狼

壬午陽角陰賊

癸未陰角公正

壬辰陽羽公正

癸巳陰羽貪狼

壬寅陽商陰賊

癸卯陰商廉貞

壬子陽角寬大

癸丑陰角奸邪

壬戌陽羽奸邪

癸亥陰羽廉貞

凡言六情依此時與方止用支辰以本情言之。

六情風鳥所起占

甲子貪狼之日

時加申子。風起鳥鳴其上。王相當言羣盜攻劫。休廢死囚有竊盜事。

時加寅午。有善人說攻劫事。

時加巳酉。有酒食言攻劫事。

時加丑戌。有盜賊詞訟。或文書追盜賊事。

時加亥卯。王相有羣盜攻劫。休死小盜。

時加辰未。有婦人說盜賊。

寅午廉貞之日

時加寅午。風起鳥鳴其上。王相當言。長吏休廢。死囚為僕。殺詠評。

時加巳酉。有遠書至。

時加申子有酒食爭財物事。

時加辰未。有陰私婦女口舌。

時加丑戌。有酒食。

時加亥卯。有酒食。起爭相殺。

亥卯陰賊之日

時加亥卯。風起鳥鳴其上。王相羣賊六戰。保囚廢死。有爭鬥殺傷。

時加巳酉。有酒食相傷。

時加丑戌。吏逐賊相害。

時加寅午。有婦人鬥傷事。

時加辰未。有婦女好事鬥傷。

時加申子。有兩賊自相攻劫。

辰未奸邪之目

時加辰未。風起鳥鳴其上。王相有長吏來捕奸詐。休囚廢死。有口舌。

時加寅午。有謙恭人言奸淫事。

時加巳酉。有酒食陰私事。

時加丑戌。有吏來捕奸私陰謀事。

時加申子有陰謀爭鬥盜劫事。

時加亥卯有賊兵相害事。

巳酉寬大之曰

時加巳酉風起鳥鳴其上。王相當言爲長吏。休廢囚死。常有酒食。

時加寅午有酒食辭讓事。

時加丑戌有酒食口舌爭訟事。

時加亥卯有酒食相謀害者。

時加辰未。有酒食女人口舌。

時加申子。有酒食爭財。

丑戌公正之日

時加丑戌。風起鳥鳴其上。王相。有長吏政理之事。休囚。吏來
慰問。

時加巳酉。有宴饗賜典。

時加寅午。有辭讓慶賀。

時加辰未。有吏來說陰私盜賊事。

時加申子。有吏來說財賦欺詐事。

時加亥卯。有吏來說盜賊相殺事。

凡六情之目。風起烏鳴。于本情方上。則課其時。依上占之。

六情風起加方占

申子貪狼之目。時加貪狼。風起則占。

從申子來。有盜劫人財物。禍起北方。若寒急昏慘。則傷人。否則小盜。又口不出七日。關梁震驚。否則有兵。往攻他界。

從丑戌上來。有報仇。怨者揚兵相擊。若歲月在丑未大凶。

從辰未上來。有惡人持物至。

從寅午上來。有人持物相賂。

從巳酉上來。有人持禮相候。欲求財物。

從亥卯上來有人以陰賊事相連引否則出外爲國所仇
亥卯陰賊之日時加陰賊風起則占。

從亥卯上來有賊格鬥在所部內傷人又曰其日風從本方
上來不出七日有陰賊人偷營斫寨。

從申子上來有賊自相爭殺。

從丑戌上來外人謀內。

從巳酉上來有客行財于人。

從寅午上來有岩穴之士爲人所劫。

從辰午上來有婦人從東來或東方婦人伺隙而爲盜者。

寅午廉貞之日。時加廉貞。風起則占。

從寅午上來。清和條暢。有貴人慶賀燕樂。若帶刑殺。或受
寒慘。則因而生怒。又曰。其日風從本方上來。有族人辨冤。
一曰。有長者千里來慶賀。

從申子上來。有人爭財。一曰。有客來求財物。

從巳酉上來。有遷官召命。貴客酒食宴樂。一曰。有人以財物
來求好。

從丑戌上來。貴人。有事相問。一曰。有報仇怨者。

從辰未上來。有人上符文召發事。否則有奸人設計相給。

從亥卯上來有賊欲劫竊不帶刑殺無害

巳酉寬大之日時加寬大有風則占。

從巳酉上來有貴人請召飲酒賜與又曰其日本方上來兵士在外不戰有喜。

從辰未上來有妖人爲怪婦人欺夫一曰有乘我不虞以爲欺者。

從申子上來有爭財物者一曰有惡人相遺物。

從寅午上來有遷宮賞賜。

從亥卯上來防陰賊詭計。

從戌丑上來。有貴人召問。

辰未好邪之日。時加好邪。有風則占。

從辰未上來。主人見謀。若出遇疾病。又曰其日從本方上來。七日內有賊。若陰人誑詐虛驚。一曰風清和帶德。則爲婚如。寒慘帶殺。則爲奸爲賊。

從亥卯上來。有宿怨者相攻流血。

從戌丑上來。有人欲報怨。

從寅午上來。有文書。若以奸盜相引。

從申子上來。有賊謀持物去。

從巳酉上來有人相請因飲食生病

戌丑公正之日時加公正有風則占

從戌丑上來吏人相爭仇人報怨又曰其日風從本方來有忠臣直諫國有喜報仇有功兩軍相爭大將來降不出七日敵兵自敗

從亥卯上來下人凌上

從辰未上來人有欲告言部吏私財物者

從申子上來有亡失盜賊相牽引有吏人爭財相傷

從寅午上來有遷官事

從巳酉上來。出逢酒食。

凡六情之日。加本情有風起。則視其方。依上占之。

六情附餘占

貪狼之日時加奸邪。陰賊風從奸邪上起。或陰賊上起。必有盜賊劫殺之事。

陰賊之日時加貪狼風從奸邪上來。或止貪狼陰賊。必有盜賊逆亂殺人之事。

廉貞之日時加寬大。風從廉貞或寬大上來。或止寬大。有貴人以酒食來相燕樂。

寬大之日時加廉貞或寬大風從廉貞上來有貴客至
奸邪之日時加陰賊風從寬大上來有人將酒醴相候謀賊
公正之日時加廉貞風從奸邪上來有誠信之士報仇而來訴人
凡陰賊之日飄風從四季辰戌丑未上來時加四季或羣鳥飛
從四季上來時加四季皆爲有閉關搜索之事若值休廢囚
死卽在近道假令風鳥從其指陰賊方來卽時搜索欲知所
捕何事時加丑戌則是仇怨辰未則是盜賊或殺人賊亥卯
王相是大賊鳥占卽至風占以時日干休玉期之

凡廉貞公正寬大之日風和暖日清明皆吉主恩命慶賀

凡貪狼陰賊奸邪之日風寒慘日昏濁皆凶主陰謀賊害看王相休囚備之

凡奸邪之日風從貪狼上來賊方自散

未詳。以下數則雜占

公正日風從陰賊上來止奸邪賊必敗滅

陰賊日時加貪狼風來寒急者敵軍夜來襲人急備之

陰賊日風從陽角上來賊欲來攻城期九日或四十五日